



Statsforvaltaren i Møre og Romsdal

Verneframlegg for Grøtsura naturreservat i Haram kommune



Foto: Øivind Leren

Statsforvaltaren i Møre og Romsdal
Høyringsfrist 15. april 2024



Innhold

1.	BAKGRUNN.....	3
2.	TILBOD.....	3
3.	HEIMELSGRUNNLAG	3
4.	VERNEPLAN	5
4.1	Skildring av området	5
4.2	Vegetasjon og naturgitt mangfold	5
4.3	Verneformål og trua natur.....	6
4.4	Oppfylling av miljømåla i Meld. St. 14 og manglar i skogvernet.....	6
4.5	Planstatus.....	7
4.6	Tekniske inngrep og andre brukarinteresser	7
4.7	Litteratur	8
5.	SAKSHANDSAMING	8
5.1	Vidare sakshandsaming	9
5.2	Forvaltningsmynde	9
6.	VIKTIGE ENDRINGAR UNDER BEHANDLINGA AV VERNEPLANEN	9
7	FORSLAG TIL FORSKRIFT.....	9



1. BAKGRUNN

Gjennom behandlinga av stortingsmeldinga Natur for livet – Norsk handlingsplan for naturmangfold (Meld. St. 14 (2015-2016)) vedtok Stortinget ei opptrapping av skogvernet i Noreg til 10 % av skogarealet. I februar 2022 var om lag 5,2 % av skogarealet og ca. 3,9 % av den produktive skogen verna i Noreg. Det er eit nasjonalt miljømål at «et representativt utval av naturtypane i skog blir verna for kommande generasjonar». Vern av skog er også viktig for å nå fleire av dei andre miljømåla, til dømes at «utrydding av trua artar i skog skal opphøyrer og status for artar i nedgang skal ha blitt forbetra innan 2020» og at «mangfald av naturtypar i skog skal bli tatt vare på eller gjenopprettast innanfor sitt naturlege utbreiingsområde, og slik at alle stadeigne artar finns i levedyktige bestandar».

I stortingsmeldinga vert auka skogvern framheva til å ha stor positiv effekt på trua artar i skog, og Regjeringa vil vidareføre det langsiktige arbeidet med skogvern. Dette skal skje ved vern av offentleg eigd skog og ved friviljug vern av privateigd skog. Friviljug vern inneber at skogeigarane tilbyr staten vern av eigen skog.

Dersom ein har naturfagleg kunnskap om det aktuelt tilbodsområde frå før, kan slike data bli lagt til grunn for ein eventuell verneplanprosess. Dersom området ikkje er kartlagt tidlegare, vil miljøvernstyresmaktene også vurdere tilbodet og sette eventuelt i gang med naturfaglege registreringar for å kartlegge verneverdiar. I Møre og Romsdal er ein vesentleg del av den verneverdig skogen kartlagt tidlegare og aktuelle data er tilgjengelege i www.naturbase.no

Om det på bakgrunn av ei slik registrering vil vere aktuelt å fremme eit verneforslag for det aktuelle arealet, skal det gjennomførast forhandlingar med grunneigar om avgrensing, verneforskrift og økonomisk erstatning. Når staten og grunneigar er kome til semje om desse punkta, vil området gjennomgå ei vanleg saksbehandling i tråd med naturmangfaldlova.

2. TILBOD

Statsforvaltaren i Møre og Romsdal fekk tilbod om frivillig skogvern på gnr/bnr 393/1 og 2 i dåverande Ålesund kommune. No er kommunen reetablert som Haram kommune. Tilboden vert dagsett 21.10.2021 og vert formidla via Allskog. Området føreslått vern omfattar eit areal på om lag 1241 dekar.

Det naturfaglege grunnlaget for eit vern er dokumentert ved registreringar av naturverdiane gjennom DN- handbok 13 og NiN-kartlagt i 2021.

Allskog og skogsakkyndig frå staten takserer tilbodsområdet, og det blir forhandla fram ein erstatningsavtale med grunneigaren. Området vil ikkje bli tilrådd verna før avtalen om erstatning er signert. Allskog har på vegne av grunneigaren akseptert at planprosessen vert sett i gang.

3. HEIMELSGRUNNLAG

Vern av spesielle område eller førekommstar skjer i medhald av lov 16. juni 2009 om forvaltning av naturens mangfold (naturmangfaldlova) jf. §§ 33 – 51. I naturmangfaldlova er det gitt heimel for oppretting av ulike vernekategoriar. Vernekategorien naturreservat, som er det strengaste vernet etter naturmangfaldlova, jf. § 37, vil bli bruka for denne verneplanen for skog på privat grunn.



Vedtak om oppretting av naturreservat vert gjort av Kongen i statsråd etter § 37 i naturmangfaldlova, som lyder slik:

«Som naturreservat kan vernes områder som:

- a) inneholder truet, sjeldent eller sårbar natur
- b) representerer en bestemt type natur,
- c) på annen måte har særlig betydning for biologisk mangfold,
- d) utgjør en spesiell geologisk forekomst eller
- e) har særskilt naturvitenskapelig verdi

Som naturreservat kan også vernes et område som er egnet til ved fri utvikling eller aktive gjenopprettningstiltak å få verneverdier som nevnt i første ledd.

I et naturreservat må ingen foreta noe som forringar verneverdiene angitt i verneformålet. Et naturreservat kan totalfredes mot all virksomhet, tiltak og ferdsel. I forskriften kan det gis bestemmelser om vern av kulturminner i reservatet.

Treffes vedtak om reservat som krever aktive gjenopprettningstiltak, eller vedtak om reservat der bruk er en forutsetning for bevaring av det biologiske mangfold, skal det samtidig med vernevedtaket legges fram et utkast til plan for skjøtsel for å sikre verneformålet. Planen kan omfatte avtale om bruk av arealer, enkeltelelementer og driftsformer. Planen eller avtalen kan inneholde bestemmelser om økonomisk kompensasjon til private som bidrar til områdets skjøtsel.”

Naturreservata skal bidra til bevaringsmåla i naturmangfoldloven § 33, mellom anna bokstavane

- a (variasjonsbredda av naturtyper og landskap),
- b (artar og genetisk mangfold),
- c (trua natur og økologiske funksjonsområde for prioriterte artar).

Verneområda skal bidra til å oppfylle fleire nasjonale mål som:

- Eit representativt utval av norsk natur skal bevarast for kommande generasjonar.
- Økosistema skal ha god tilstand og leve vere økosystemtenester.
- Ingen trua arter og naturtyper skal utryddast, og utviklinga til truga og nær truga arter og naturtyper skal betrast.

Opprettning av verneområda bidreg til å nå internasjonale mål og forpliktingar, m.a. nedfelte i konvensjonen for biologisk mangfold artikkel 8 om eit samanhengande verneområdenettverk, jf. òg naturmangfoldloven § 33 bokstav g.

Ved å verne desse naturområda mot ulike typar inngrep, gir verneområda også eit positivt bidrag til det nasjonale og internasjonale målet om å stanse tapet av naturmangfold, jf. naturmangfoldloven § 33 bokstav a, b og c.

Områda vil bidra til å oppfylle det nasjonale målet vedtekne om 10 % vern av skog.



4. VERNEPLAN

Namn	Kommune	Fylke	Areal (daa)	Verneform	Eigedommar	M.o.h.
Grøtsura naturreservat	Haram	Møre og Romsdal	1241	Naturreservat	393/1 og 2	40 - 600

4.1 Skildring av området

Tilbodsområdet er kartlagt ved NiN-metodikken i 2021, samt delar av området er kartlagt ved DN-handbok 13. Området ligg i ei austeksponert, bratt skogsli på vestsida av Vatnefjorden mellom Vatne og Grøt som strekk seg frå 40 moh til alpin sone. Skogen karakteriserast som velutvikla lauvskog i mosaikk med edellauvskog. Området ligg i sør boreal sone og berggrunn er hovudsakleg granittisk gneis. Området ligg i lågareliggende område nær fjorden med gradientar i bonitet frå svært høg og opp mot open skrin fastmark oppå fjellet.

4.2 Vegetasjon og naturgitt mangfold

Området er ei bratt, søraust-vendt li med stor topografisk variasjon. Høgdegradienten gjer at skogen er i ulik suksesjonsstadia da forstyrring av ras opprettheld dynamikken. I søre del av områder går det fleire små bekdedrag som også er med på å auke variasjon i skogvegetasjon.

Det meste av lia er svak lågurtskog, men innslag av blåbærskog og lågurtskog finnes spreitt. Skogen er dominert av lauvskog med større innslag av furu på kollene. Bjørk er dominerande treslag, men det er også en del selje og rogn, derav ganske mange store tre (over 30 cm diameter) i parti.

Innslaget av osp er også ganske godt i parti, de fleste under 40 cm i diameter, men også en del som er rundt 40 cm og litt over. Hassel finns fleire stader, i nokre områder relativt jamt, men utgjer aldri meir enn 50 % av tresjiktet. Nokre stader kan også hasselkratt være ganske grove og gamle. Alm er registrert med tyngdepunkt i søre del. Generelt er dei store lauvtre i områda under bergrøta, eller i skjerma områder. I høgda og på eksponerte stader blir innslaget store trær gradvis mindre og til slutt fråverande på grunn av klima. Flere av de bergveggene har en del hassel, men aldri med over 50 % dekning, og inntrykket er at det meste likevel er snakk om svak lågurtskog, bortsett fra kanskje lengst sør. Det er ikkje registrert raudlista naturtyper i skog innanfor arealet. Bortsett frå i fjellet, er heller ikkje andre raudlista naturtyper funnet. I hele lia er det påfallande mykje av den fuktkrevande lungeneveren. Den veks mest på selje, rogn og hassel, og i de områda der det er mykje store individ av desse artane, og kan dekke heile stammen i nedre del, men også på bjørk og enkelte steder på stein på bakken. Andre fuktkrevande artar som kystfiltlav og skrubbenever er også svært vanlege, stiftfiltlav er også vanlig, mens sølvnever og kystnever finnes spreitt, men mindre vanlig.

Lungeneversamfunnet er best utvikla i nedre delar under 200 meter og særleg i skjerma områder slik som nordaust og aust for Høgehaugen, og under bergrøta mellom Stornesfonna og Slettnesfonna. Store deler av lia var ikkje mulig å undersøke på grunn av bratt terregng. Dei øvste delane opp mot alpin reknast å være fjellbjørkeskog. Enkelte av de bratte partia i sør kan ha noko lågurtskog. Med kikkert er det også tydeleg kor ospeholt finns. Dei fleste av disse er relativt unge (mindre enn 40 cm) til middelaldrande (rundt 40 cm og litt meir i diameter).

Stadvis også kartleggingseininger med høg verdi på naturskognærleik med daud liggande ved og grove, gamle tre. Generelt er det meir daud ved og eldre tre i vanskeleg tilgjengelig områder nærmere bergrøta. Parti med hengelavstre er funne eit par stader.



Foto: Kristin Wangen

4.3 Verneformål og trua natur

Føremålet med forskrifa er å bevare eit stort og variert skogsområde som representerer bestemte typar natur i form av gammal oseanisk blandingslauvskog. Skogen er i god utvikling med element av rikare hasselkratt og daud ved. Områdevern inneber at habitat til fugl og fauna også blir tatt vare på med dei økologiske prosessane og funksjonane det har i dag. Det er ei målsetting å behalde verneverdiane i mest mogleg urørt tilstand, og eventuelt vidareutvikle dei.

Delar av skogen står på høg bonitet i sør boreal sone. Området har særskilt betydning for biologisk mangfald grunna fuktrevande lavartar, gamle store tre og lite menneskeleg påverknad.

Det er ikkje registrert raudlista naturtypar her etter NiN-kartlegging. Det er registrert rik edellauvskog etter DN-handbok 13 i 2003 i delar av området. Verdiindeksen naturgitt mangfald skårar høgt på arealdel kalk- og baserik skogsmark og regnskog, samt andel edellauvtre og rogn, osp, selje for heile området. Området skårar også høgt på naturskognærleik med daud ved mengde og variasjon, og gamle store tre arealfigur.

4.4 Oppfylling av miljømåla i Meld. St. 14 og manglar i skogvernet

Noreg har gjennom stortingsmeldinga «Natur for livet» og gjennom internasjonale avtalar forplikta seg til nokre mål for naturen – såkalla miljømål som er som følger;

1. Økosistema skal ha god tilstand
2. Ingen artar eller naturtypar skal forsvinne
3. Vi skal bevare eit representativt utval norsk natur for å sikre variasjonsbreidda

Hovudtrugselen mot naturmangfaldet i Norge er arealendringar som reduserer både kvantitet og kvalitet på artanes leveområde. Områdevern er eit godt bevaringstiltak for å motverke tap av naturmangfald og halde naturen robust i møte med endra klima.



Vi trenger meir skogvern i alle raudlista naturtypar – særleg kalkrike typar, flommarkskog, boreonemoral, boreal regnskog, sumpskog og rik sandfuruskog. I mangelanalysa for skogvern (Framstad m.fl. 2017) kjem det fram at Møre og Romsdal har låg vernedekning på naturtypar i skog som kystfuruskog, edellauvskog og bekkekløfter.

Dette området fyller manglar knytt til gammal oseanisk blandingslauvskog. Nedre delar av lia omfattar også skog på høy bonitet og i sørboreal sone.

Området representerer ei fuktig og stadvis rik skogsli med svært lite påverknad og såleis gammal, intakt skog med tilhøyrande lavsamfunn. Alm (EN) er registrert ved begge kartleggingane i området.

4.5 Planstatus

Området er i arealplan til kommunen avsett til Landbruks-, natur-, frilufts- og reindriftsområde (LNFR-område). Store delar av området har ei omsynssone for jord- og flaumskred, samt snø- og steinskred.

4.6 Tekniske inngrep og andre brukarinteresser

Kraft og energi:

Området har inga kraftline eller anna inngrep for energiproduksjon.

Mineral:

Det er ikkje registrert mineralførekomstar innanfor området.

Samiske interesser:

Området ligg ikkje innanfor reinbeitedistrikt.

Skogbruk:

Miljødirektoratet og Landbruksdirektoratet fekk den 1. juli 2020 i oppdrag fra Klima- og miljødepartementet og Landbruks- og matdepartementet å greie ut forvaltingstiltak knytt til skogvern og konsekvensar for avverkanden og bidraget skognæringa hadde til det grøne skiftet. I rapport M-2007-2021 har direktorata foreslått retningslinjer for avvegingar.

I oppdrag fra Klima- og miljødepartementet datert 8.11.2021 bad Klima- og miljødepartementet om at forslaget blir sett i verk, med nokre mindre justeringar. For privateigd skog skal forslaget setjast i verk for område der det blir motteke tilbod etter 1. februar 2022, og ved vern av offentleg eid grunn for område der det blir meldt oppstart frå og med same dato.

Området som er omfatta av denne verneplanen er tilboden for frivillig vern av grunneigar før 1. februar 2022. Dei blir derfor ikkje omfatta av oppdraget fra Klima- og miljødepartementet. Vi har vurdert skogbruksverdiane etter vår gamle rutine med fakta ut frå skograppoart Kilden:

Totalareal: 1239 daa

Produktivt skogareal(AR5): ca. 359 daa

Skog, høy bonitet	Skog, middels bonitet	Skog, lav bonitet	Uproduktiv skog	Jorddekt/skrinn fastmark
107	252		322	559



Svært viktig naturtyper : 150 daa – Rik edellauvskog

Skogressurskart (SR 16) – volum (daa):

0-100 m ³ /ha	100-200 m ³ /ha	200-300 m ³ /ha	300-400 m ³ /ha
606	419		

Relativt liten del av totalarealet er registrert som produktiv skog. Storparten av arealet er svært bratt og lite tilgjengeleg for skogbruksdrift. Vidare er det meste kledt med lauvskog med lite volum pr. daa. Ifølgje SR16 er det tre mindre område med furu i nord, med noko spreidde innslag av gran. Areala som er mest «drivbare» ser ut til å vere utanom forslag til verneområde.

Topografi, skogressursar og vegdekning gjer at dette området har liten betydning for skogbruket i området.

4.7 Litteratur

Jordal, J. B. & Holtan, D. 2005. *Kartlegging av naturtypar i Haram kommune*. Haram kommune, rapport. 117 s. + bilet og kart. ISBN 82-991046-2-9.

Områderapport: <https://skoganalyse.miljodirektoratet.no/report/11E39D54-403E-4FAD-BEB1-A8D0070EE38A>

5. SAKSHANDSAMING

Området har komme til gjennom ordninga med frivillig vern, jobba fram av skogeigarorganisasjonen Allskog. Området i si heilheit ligg på privat grunn.

Formell start på verneplanarbeidet for Grøtsura naturreservat vart meldt 15.01.2024 med frist for innspele var 05.02.2024.

Vi fekk følgande merknader til oppstartsmeldinga:

Norges vassdrags- og energidirektorat (datert 29.01.2024)

«Det går en 22 kV linje eid av Nordvest Nett AS gjennom det foreslalte området. NVE ber statsforvalteren å ta inn standard bestemmelser for energi- og kraftanlegg inn i forskriften for dette området for å sikre drift, vedlikehold og oppgradering av nettanlegg. NVE ber Nordvest Nett AS og Statnett om å kommentere vern med tanke på deres eksisterende og fremtidige prosjekter.»

Språkrådet (29.01.2024)

« Det tykkjest vera fullt ut tilrådeleg å la Grøtsura no stå som prioritert skrivemåte av eit aktuelt namn i Haram kommune. Namnet har tidlegare vore SSR-registrert med skrivemåten Grøtura som eineform. Når det gjeld grunngjevinga for å la namnet bli skrive med genitivs-s i offentleg samanheng, syner me til det som står om dette i brevet frå Kartverket.»

Kartverket (23.01.2024)

«Grøtura har vore godkjend form i SSR. Men skrivemåten samsvarer ikkje med andre samansetningar med Grøt, som blir Grøts-: Grøtsholmen, Grøtshornet. Kartverket har sjekka med bygdeboka, som skriv Grøtsura, og grunneigar, som meiner forma med -s- er korrekt. Kartverket har registrert og prioritert Grøtsura. Det må da nyttast som namn på verneområdet.»

Forsvarsbygg (25.01.2024)

«Forsvarsbygg har ingen merknader til areal satt av til desse verneområda.



Vi føreset at dei generelle unntaka frå ferdsel knytt til omsynet til militær operativ verksemd, samt landing og start med Forsvarets luftfartøy vert implementert i endeleg verneplan. Utøver dette har vi ingen ytterlegare merknader.»

Nordvest Nett AS (06.02.2024)

«Vi ber om at statsforvalteren tar inn standard bestemmelser for energi- og kraftanlegg i forskriften for dette området for å sikre drift, vedlikehold og oppgradering av nettanlegg, deriblant nødvendig skogrydding for å sikre anlegget. Det foreligger ingen fremtidige planer for det foreslåtte området utover normal drift, vedlikehold og oppgradering i eksisterende trasé.»

STATSFORVALTAREN SIN VURDERING AV MERKNADANE

Innspel frå NVE og Nordvest Nett er tatt til etterretning og med i forslag til forskrift, § 4 bokstav j og k og § 7 bokstav k og l. Innspel frå Kartverket og Språkrådet er tatt til etterretning og vi hører no eit endra verneområdenamn med genitivs-s; Grøtsura. Innspel frå Forsvarsbygg er tatt til etterretning og med i forslag til forskrift, § 6.

5.1 Vidare sakshandsaming

Verneforslaget med skildring av området, vernekart og forslag til verneforskrift blir sendt på ei felles sentral og lokal høyring med frist 15. april 2024. Føremålet med høyringa er å få fram opplysningar om interesser som kan bli råka av det planlagde vernet.

Etter høyringa vil Statsforvaltaren summere opp innkomne fråsegner, kommentere desse og utarbeide ei tilråding om vern til Miljødirektoratet. Miljødirektoratet vil etter dette lage innstilling til Klima- og miljødepartementet og vedtak om vern blir gjort ved kgl. res. av Kongen i statsråd

5.2 Forvaltningsmynde

Vi oppmodar Haram kommune å gje innspel på om dei ønskjer forvaltningsmynde over verneområde.

6. VIKTIGE ENDRINGAR UNDER BEHANDLINGA AV VERNEPLANEN

Det har under oppstartsmelding komne innspel som foreslår endring av namn for området.
Skrivemåten blir føreslått endra som følger:

Grøtura blir endra til Grøtsura

7 FORSLAG TIL FORSKRIFT

Forskrift om vern av Grøtsura naturreservat, Haram kommune, Møre og Romsdal

Fastsett ved kongeleg resolusjon [dato] med heimel i lov 19. juni 2009 nr. 100 om forvaltning av naturens mangfold (naturmangfaldlova) § 34 og § 62 [og § 77]. Fremja av Klima- og miljødepartementet.

§ 1 Føremål

Føremålet med forskrifta er å bevare eit stort og variert skogsområde som representerer bestemte typer natur i form av gammal oseansk blandingslauvskog. Skogen er i god utvikling med element av rikare hasselkratt og daud ved. Områdevern inneber at habitat til fugl og fauna også blir tatt vare på med dei økologiske prosessane og funksjonane det har i dag.

Det er ei målsetting å behalde verneverdiane i mest mogleg urørt tilstand, og eventuelt vidareutvikle dei.



§ 2 Geografisk avgrensing

Naturreservatet omfattar følgjande gnr./bnr.: Haram kommune: 393/1 og 393/2.

Naturreservatet dekker eit totalareal på 1241 daa. Grensene for naturreservatet går fram av kart datert Klima- og miljødepartementet [*dato*]. Dei nøyaktige grensene for naturreservatet skal merkast av i marka. Knekkpunkta skal koordinatfestast.

Verneforskrifta med kart blir oppbevart i Haram kommune, hos Statsforvaltaren i Møre og Romsdal, i Miljødirektoratet og i Klima- og miljødepartementet.

§ 3 Verneregler

I naturreservatet må ingen gjere noko som skadar verneverdiane som går fram av føremålet med vernet.

I naturreservatet gjeld følgjande verneregler:

- a. Vegetasjonen, medrekna daude buskar og tre, er verna mot skade og øydelegging. Det er forbode å fjerne planter og sopp medrekna lav eller deler av desse frå naturreservatet. Planting eller sång av tre og annan vegetasjon er forbode.
- b. Dyrelivet, medrekna reirplassar og hiområde, er verna mot skade, øydelegging og unødig forstyrring. Utsetting av dyr er forbode.
- c. Det må ikkje settast i verk tiltak som kan endre naturmiljøet, som til dømes oppføring av bygningar, anlegg, gjerde og andre varige eller mellombelse innretningar, parkering av campingvogner, brakker e.l., opplag av båtar, framføring av luftleidningar, jordkablar, kloakkledningar, bygging av vegar, drenering eller anna form for tørrlegging, uttak, oppfylling og lagring av masse, utføring av kloakk eller anna form for forureining, etterlating av avfall, gjødsling, kalking eller bruk av kjemiske utryddingsmiddel. Forsøpling er forbode. Opplistinga av tiltak er ikkje uttømmande.
- d. Bruk av naturreservatet til større arrangement er forbode.
- e. Brenning av bål er forbode.

§ 4 Generelle unntak frå vernereglane

Vernereglane i § 3 andre ledd er ikkje til hinder for

- a. sanking av bær og matsopp
- b. jakt og fangst i samsvar med gjeldande lovverk
- c. felling av store rovdyr i samsvar med gjeldande lovverk
- d. vedlikehald av eksisterande stiar i samsvar med standard på vernetidspunktet
- e. beiting
- f. utsetting av saltstein
- g. brenning av bål med tørrkvist frå bakken eller medteken ved, i samsvar med gjeldande lovverk
- h. oppsetting av mellombelse, mobile jakttårn for storviltjakt
- i. forsiktig rydding av småbuskar og kvist i samband med storviltjakt
- j. drift og vedlikehald, samt istandsetting ved akutt utfall eller fare for akutt utfall på eksisterande energi- og kraftanlegg i og inntil verneområdet
- k. oppgradering eller fornying av kraftleidningar for heving av spenningsnivå og auking av linetverrsnittet, når tiltaket ikkje skadar verneverdiane angitt i verneføremålet nemneverdig

§ 5 Regulering av ferdsel

All ferdsel skal skje varsamt og ta omsyn til vegetasjon, dyreliv og kulturminne.

I naturreservatet gjeld følgjande reglar om ferdsel:



- a. Motorisert ferdsel på land og i vatn er forbode, medrekna landing og start med luftfartøy.
- b. Sykling, riding og bruk av hest er forbode utanom eksisterande stiar.

§ 6 Generelle unntak fra ferdelsreglane

Ferdelsreglane i § 5 er ikke til hinder for gjennomføring av militær operativ verksemd og tiltak i samband med ambulanse-, politi-, brannvern-, rednings- og oppsynsverksemd, samt gjennomføring av skjøtsels- og forvaltningsoppgåver som er bestemt av forvaltningsstyresmakta. Unntaket gjeld ikke øvingsverksemd.

Ferdelsreglane i § 5 annet ledd er ikke til hinder for

- a. naudsynt motorferdsel for uttransport av sjuke og skadde bufe. Køyretøy som nyttast skal vere skånsamt mot markoverflata. Det skal sendast melding til ansvarleg oppsyn for verneområdet i forkant av køyring
- b. naudsynt motorferdsel for uttransport av felt elg og hjort med lett beltekøyretøy som ikke set varige spor i terrenget
- c. landing og start med Forsvaret sine luftfartøy

§ 7 Spesifiserte dispensasjonsreglar

Forvaltningsstyresmakta kan etter søknad gi dispensasjon til

- a. istandsetting, vedlikehald og skjøtsel av kulturminne
- b. tiltak i samband med forvaltning av vilt
- c. naudsynt uttransport av felt elg og hjort med andre køyretøy enn lett beltekøyretøy som nemnt i § 6 andre ledd bokstav b
- d. oppsetting og vedlikehald av gjerde
- e. merking og rydding av nye stiar
- f. avgrensa bruk av naturreservatet for aktivitetar nemnt i § 3 andre ledd bokstav d
- g. oppgradering og fornying av kraftleidningar som ikke fell inn under § 4
- h. naudsynt motorferdsel i samband med drift og vedlikehald, samt oppgradering og fornying av eksisterande kraftleidning
- i. naudsynt motorferdsel i samband med aktivitetar etter § 7, k.

§ 8 Generelle dispensasjonsreglar

Forvaltningsstyresmakta kan gjere unntak fra forskrifta dersom det ikke strir mot føremålet med vernet og ikke kan påverke verneverdiane nemneverdig, eller dersom omsyn til tryggleik eller omsynet til vesentlege samfunnsinteresser gjer det nødvendig, jf. naturmangfoldloven § 48.

§ 9 Skjøtsel

Forvaltningsstyresmakta, eller den forvaltningsstyresmakta bestemmer, kan setje i verk tiltak for å opprethalte eller oppnå den natur- eller kulturtilstand som er føremålet med vernet, jf. naturmangfoldloven § 47.

§ 10 Forvaltningsplan

Det kan utarbeidast forvaltningsplan med nærmere retningsliner for forvaltning av naturreservatet. Forvaltningsplanen kan innehalde nærmere retningsliner for gjennomføring av skjøtsel.

§ 11 Forvaltningsstyresmakt



Miljødirektoratet fastset kven som er forvalningsstyresmakt etter denne forskrifta.
Miljødirektoratet kan delegere styresmakta til kommunar som samtykker til det.

§ 12 *Ikraftsetjing*

Denne forskrifta trer i kraft straks.